

LINGUISSIMO  
Forum Helveticum  
Bleicherain 7  
5600 Lenzburg



Lenzburg, ils 29-08-2021

## COMMUNICAZIUN A LAS MEDIAS

### In final criminal a la concorrenza svizra da las linguas LINGUISSIMO a Soloturn

**29 giuvnas scripturas talentadas e giuvens scripturs talentads da tut las Svizra èn s'inscuntrads ils 28 ed ils 29 d'avust 2021 a Soloturn al final da la concorrenza svizra da linguas LINGUISSIMO. Lur incumbensa: scriver in'istorgia criminala, e quai sur ils cunfins linguistics. Ina giuria d'auturas e d'auturs svizzers ha tschernì las meglras ovras: las set victuras e victurs ventiraivels dals chantuns AG, FR, GE, GR e VD gudognan in viadi communabel en ina citad europeica ubain ad in'occurrenza culturala en Svizra. Il Forum Helveticum organisescha LINGUISSIMO dapi il 2008.**

Da passa 280 texts inoltrads da juvenils tranter 16 e 21 onns èn vegnids tschernids 29 finalistas e finalists da las quatter regiuns linguisticas per la segunda runda. A chaschun dal final ils 28 e 29 d'avust 2021 en la Biblioteca centrala da Soloturn ed en il chastè da Waldegg han las giuvnas scripturas talentadas ed ils giuvens scripturs talentads inscuntrà auturas ed auturs svizzers: [Christof Gasser](#) (SO) – enconuscent per ses crimis da Soloturn – sco era [Olivia Gerig](#) (GE), [Andrea Fazioli](#) (TI) e [Romana Ganzoni](#) (GR). Els han introduci il giuvenils en la tematica dal scriver istorgias criminalas. In ulteriur punct culminant da la fin d'emna è stà il concert da la giuvna musicista da jazz da Soloturn [Salome Moana](#), accompagnada dal ghitarrist [Silvan Joray](#).

La dumengia han las finalistas ed ils finalists preschentà en la sala pumpusa dal chastè da Waldegg lur istorgias criminalas cumpiladas en tandems pluriling. Igl è stà in mument fitg excitant, cura che la giuria ha annunzià la tscherna dals megliers texts: las set victuras e victurs da l'ediziun 2021 derivan dals chantuns AG, FR, GE, GR e VD e represchantan ina giuventetgna svizra inspirada da la ritgezza linguistic-culturala da ses pajais. Els gudognan in viadi communabel en ina citad europeica ubain ad in'occurrenza culturala en Svizra. (vesair foto 1 «Final 2021», funtauna: LINGUISSIMO 2021)

Il premi da classa da CHF 500.--, per il qual ins ha tratg la sort tranter tut las classas participantas, va a la classa da signur Erwin Mägert da la scola Didac a Losanna. (vesair foto 2 «Premi di classa 2021», funtauna: LINGUISSIMO 2021)


La proxima ediziun da la concorrenza svizra da las linguas LINGUISSIMO cumenza il settember 2021. Tut las classas da scola dal stgalim secundar II e tut ils giuvenils da 16 fin 21 onns da la Svizra èn cordialmain envidads da sa participar. Tut las infurmaziuns èn disponiblas sin la pagina-web [www.linguissimo.ch](http://www.linguissimo.ch).

Infurmaziuns a las medias:

Quinta Schneider, manadra da project LINGUISSIMO, [info@linguissimo.ch](mailto:info@linguissimo.ch) ubain t 062 888 01 25

Link per las medias: <http://linguissimo.ch/ch/medias-2/>

Cun sustegn da:



la Mobiliare

